

山海經圖讚

隋書舊唐書經籍志並云圖讚十卷郭璞撰中典書目云山海經十八卷晉郭璞撰每

卷有讚案今本並無圖讚唯明藏經本有之據補其文字舛誤今略訂正及臧氏校正並著之疑則闕焉

南山經

桂

桂生南裔枝華岑嶺廣莫熙葩凌霜津穎氣王百藥森然雲挺

迷穀

爰有奇樹產自招搖厥華流光上映垂霄佩之不惑潛有靈標

狴狴

狴狴似猴走立行伏棲木挺力少辛明目飛廉迅足豈食斯肉

水玉

山海經圖讚

水玉沐浴潛映洞淵赤松是服靈蛻乘煙吐納六氣昇降九天

白猿

白猿肆巧由基撫弓應眇而號神有先中數如循環其妙無窮

鹿蜀

鹿蜀之獸馬質虎文驤首吟鳴矯足騰羣佩其皮毛子孫如雲


鯪

魚號曰鯪處不在水厥狀如牛鳥翼蛇尾隨時隱見倚乎生死

類

類之爲獸一體兼二近取諸身用不假器竊窕是佩不知妒忌

傅詭



獬豸似羊眼反在背視之則奇推之無怪若欲不忍厥皮可佩

祝茶草懿行案經作祝餘注云或作桂茶旋龜鷓鴣鳥

祝茶嘉草食之不飢鳥首懿行案蛇當為蛇即虺字尾其名旋龜鷓鴣六

足三翅竝翬

灌灌鳥赤鱸

厥聲如訶厥形如鳩佩之辨惑出自青丘赤鱸之狀魚身人頭

鵠鳥

彗星橫天鯨魚死浪鵠鳴于邑賢士見放厥理至微言之無況

猾褻

猾褻之獸見則典役膺政而出匪亂不適天下有道幽形匿跡

山海經圖讚

長右斃

長右四耳厥狀如猴實為水祥見則橫流堯虎其身厥尾如牛

會稽山

禹徂會稽爰朝羣臣不虔是討乃戮長人玉贛懿行案贛莪文類聚作置表

夏予石勒秦

患經作虺

有獸無口其名曰患害氣不入厥體無間至理之盡出乎自然

犀

犀頭似豬形兼牛質角則併三分身互出鼓鼻生風壯氣隘溢

兕

兜推壯獸似牛青黑力無不傾自焚以革皮充武備角助文德
象

象實魁梧體巨貌詭肉兼十牛目不踰豕望頭如尾動若工徙
纂雕瞿如鳥虎蛟

纂雕有角聲若兒號瞿如二手厥狀似鷓魚身蛇尾是謂虎蛟

鳳

鳳皇靈鳥實冠羽羣八象其體五德其文羽翼來儀應我聖君

育隧谷 經作育遺

育隧之谷爰舍凱風青陽既謝氣應祝融炎雰是扇以散鬱隆

鱒魚鵙鳥

山海經圖讚

三

鵙鳥栖林鱒魚處淵俱為旱徵災延普天測之無象厥數推乎

案太平御覽作厥類惟予

白蒼

白蒼皐蘇其汙如飴食之辟穀味有餘滋逍遙忘勞窮生盡期

西山經

羝羊

月氏

案今本作氏

之羊其類甚

案御覽作在

野厥高六尺尾赤

案御覽作亦

如

馬何以審之事見爾雅

太華山

華嶽靈峻削成四方爰有神女是挹玉漿其誰由之龍駕雲裳

肥遺蛇

肥遺為物與災合契鼓翼陽山以表亢厲桑林既禱倏忽潛逝

鳴渠赤鷺鳥文莖木鷓鴣

鳴渠已映赤鷺辟火文莖愈聾是則嘉果鷓亦衛災厥形惟麼

流赭

沙則潛流亦有運赭于以求鐵趁在其下蠲牛之癘作采于社

豪毳

剛鬣之族號曰豪毳毛如攢錐中有激矢厥體兼資自為牝牡

黃萑草肥遺鳥踟獸

浴疾之草厥子赭赤肥遺似鶉其肉已疫踟獸長臂為物好擲

山海經圖讚

四

橐瑟

有鳥人面一脚孤立性與時反冬出夏蟄帶其羽毛迅雷不入

桃枝

蟠冢美竹厥號桃枝叢薄幽藹從容鬱猗簞以安寢杖以扶危

杜衡

狺狺犇人杜衡走馬理固須因體亦有假足駿在感安事御者

萑容草

經作萑蓉邊谿獸經作邊櫟鳥

有華無實萑容之樹邊谿類狗皮厭妖蠱黑文赤翁鳥愈隱時

鸚鵡慧鳥青羽赤喙

臧庸曰鳥愈隱時當作隱時可愈方有韻末二句當係下文鸚鵡讀誤行於此

礪石

稟氣方殊件錯理微舉石殺鼠蠶食而肥□性雖反齊之一歸

鸞如

鸞如之獸鹿狀四角馬足人手其尾則白貌兼三形攀木緣石

鸚鵡

鸚鵡慧鳥栖林喙桑

案喙桑誤初學記引作啄桑

四指中分行則以觜自貽

伊籠見幽坐趾

案趾字誤類聚引作伎

數斯鳥擎獸鷗鳥

數斯人腳厥狀似鷗擎獸大眼有鳥名鷗

案鷗玉篇作鷗

兩頭四足翔

若合飛

鸞鳥

山海經圖讚

五

鸞翔女牀鳳出丹穴拊翼相和以應聖哲擊石靡詠韶音其絕

鳧後鳥朱厭獸

鳧後朱厭見則有兵類異感同理不虛行推之自然厥數難明

蠻蠻

比翼之鳥似鳧青赤雖云一形氣同體隔延頸離鳥翻飛合翻

丹木玉膏

丹木焯焯沸沸玉膏黃軒是服遂攀龍豪眇然升遐羣下鳥號

瑾瑜玉

鍾山之寶爰有玉華符彩流映氣如虹霞君子是佩象德閑邪

鍾山之子鼓欽鴉

欽鴉及鼓是殺祖江帝乃戮之昆侖之東二子皆化矯翼亦同
鯨魚

見則邑穰厥名曰鯨經營二海矯翼開霄唯味之奇見歎伊庖

神英招

槐江之山英招是主巡遊四海撫翼雲儼實惟帝圃有案有疑是字之

譌謂予圃

檣木

檣惟靈樹爰生若木重根增駕流光有燭食之靈化榮名仙錄

昆侖上

昆侖月精水之靈府惟帝下都西老案老當為姥類聚作羌又老之譌之宇嶰

山海經圖讚

然中峙號曰天桂臧庸曰桂乃柱之譌以韻讀之可見天柱山見爾雅注

六

神陸吾

肩吾得一以處昆侖開明是對司帝之門吐納靈氣熊熊魂魄

土螻獸欽原鳥

土螻食人四角似羊欽原類蜂大如鴛鴦觸物則斃其銳難當

沙棠

安得沙棠制為龍舟汎彼滄海眇然遐遊案郭注銘詞小異聊以逍遙

任彼去雷

鶉鳥沙棠實寶草

司帝百服其鳥名鶉沙棠之實惟果是珍爰有奇菜厥號曰鶉

神長乘

九德之氣是生長乘人狀狗尾其神則凝妙物自潛世無得稱

西王母

天帝之女蓬髮虎顏穆王執贄賦詩交歡韻外之事難以具言

積石

積石之中實出重河夏后是導石門涌波珍物斯備比奇崑阿

白帝少昊

少昊之帝號曰金天魄氏之宮亦在此山是司日入其景則員

淨

章莪之山奇怪所宅有獸似豹厥色惟赤五尾一角鳴如擊石

山海經圖讚

七

畢方

畢方赤文離精是炳旱則高翔鼓翼陽景集乃災流火不炎正

案正字誤匡謬正俗引作上上與炳景酌是也

文貝

先民有作龜貝為貨貝以文彩賈以小大簡則易從犯而不過

天狗

乾麻不長天狗不大厥質雖小攘災除害氣之相王在乎食帶

三青鳥

山名三危青鳥所解往來昆侖王母是隸穆王西征旋軫斯地

江疑獬豸獸鷄鳥案鷄疑當為鷓下同

江疑所居風雲是潛獸有狻猊毛如披蓑鷓鴣一頭厥身則兼
神耆童

顛頊之子嗣作火正鏗鎗其鳴聲如鍾磬處于颯山唯靈之盛

帝江

質則混沌神則旁通自然靈照聽不以聰強為之名曰在案在疑當

作惟帝江

獬豸 案獬經本作謹注或作原鵠鷓鴣鳥

鵠鷓三頭獬豸三尾俱禦不祥消凶辟昧君子服之不逢不趨

當扈

鳥飛以翼當扈則鬚廢多任少沛然有餘輪運於載至用在無

山海經圖讚

白狼

矯矯白狼有道則遊應符變質乃銜靈鈞惟德是適出殷見周

白虎

魃案魃字誤說見箋疏之虎仁而有猛其質載皓其文載炳應德而擾

止我交境

駮

駮惟馬類實畜之英騰髦驥首噓天雷鳴氣無馮凌吞虎辟兵

神蜺蠻蠻鬚遺魚經作冉遺

其音如吟一腳人面鼠身鼈頭厥號曰蠻目如馬耳食厭妖變

懷木

櫛之爲木厥形似槌案槌經文作棠槌字見郭注江賦云楊槌若能長服拔樹排山力則有之壽則宜然

鳥鼠同穴山

鷄蹠二蟲殊類同歸聚不以方或走或飛不然之然難以理推

鯨鮪魚

形如覆鉢包玉含珠有而不積泄以尾閭闔與道會可謂奇魚

丹木

爰有丹木生彼洧盤厥實如瓜其味甘酸蠲痾辟火用奇桂蘭

窮奇獸羸魚孰湖獸

窮奇如牛蝟毛自表

案郭氏注經諸稱銘曰皆即圖讚之文唯此全乖可疑

濠水之羸匪

山海經圖讚

九

魚伊鳥孰湖之獸見人則抱

臧庸曰此乃窮奇羸魚孰湖三物合讚故與郭注窮奇銘有乖

鯨魚

物以感應亦有數動壯士挺劒氣激白虹鯨魚潛淵出則邑悚

北山經

水馬

馬實龍精爰出水類渥洼之駿是靈是瑞昔在夏后亦有何駟

儻魚

涸和損平莫慘於憂詩詠萱草帶山則儻壑焉遺岱聊以盤遊

臞疏獸鵠鷄鳥何羅魚

厭火之獸厥名臞疏有鳥自化號曰鵠鷄一頭十身何羅之魚

孟槐

孟槐似貍其豪則赤列象畏獸凶那是辟氣之相勝莫見其迹

鰓鰂魚

鼓翮一揮十翼翩翩厥鳴如鵲鱗在羽端是謂怪魚食之辟燔

橐駝

駝惟奇畜肉鞍是被迅鶩流沙顯功絕地潛識泉源微乎其智

耳鼠

蹠實以足排虛以羽翹尾翹飛奇哉耳鼠厥皮惟良百毒是禦

幽頰

幽頰似猴俛愚作智觸物則笑見人佯睡好用小慧終是嬰繫

山海經圖讚

十

寓鳥孟極足訾獸

鼠而傅翼厥聲如羊孟極似豹或倚無良案此語難曉見人則呼號

曰足訾

臧庸曰末二句無韵疑有誤

鵠鳥

毛如雌雉朋翔羣下飛則籠日集則蔽野肉驗鍼石不勞補寫

諸健獸白鵠竦斯鳥

諸健善吒行則銜尾白鵠竦斯厥狀如雉見人則跳頭文如繡

磁石

磁石吸鐵瑋瑁取芥氣有潛感數亦冥會物之相投出乎意外

旄牛

牛充兵機兼之者旄冠于旌鼓為軍之標匪肉致災亦毛之招

長蛇

長蛇百尋厥鬣如兔飛羣走類靡不吞噬極物之惡盡毒之厲

山獬

山獬之獸見人歡譴厥性善投行如矢激是惟氣精出則風作

窳窳諸懷獸鱣魚肥遺蛇

窳窳諸懷是則害人鱣之為狀羊

案羊字疑誤

鱣黑文肥遺之蛇一

頭兩身

鯨魚

陽鑿動日土蛇致宵微哉鯨魚食則不驕物在所感其用無標

山海經圖讚

十一

狍鴟

狍鴟貪恠其目在腋食人未盡還自齧割圖形妙鼎是謂不若

案讚與郭注銘詞異臧庸曰割字非韵

狍間駢馬獨浴

有獸如豹厥文惟縟間善躍嶮駢馬一角虎狀馬尾號曰獨浴

鶩鴟

禦暘之鳥厥名鶩鴟昏明是互晝隱夜覲物貴應用安事鸞鶴

居暨獸躡鳥三桑

居暨豚鳴如彙赤毛四翼一目其名曰躡三桑無枝厥樹唯高

驩獸

驪獸四角馬尾有距涉歷歸山騰嶮躍咀厥貌惟奇如是旋舞

天馬

龍馮雲遊騰蛇假霧未若天馬自然凌翥有理懸運天機潛御

鷓居經作鷓

鷓居如鳥青身黃足食之不飢可以辟穀案內疑當為肉厥惟珍配

彼丹木

飛鼠

或以尾翔或以髯凌飛鼠鼓翰翮然背騰用無常所案藏本此句闕二字

惟神是馮

鷓案此及經皆單作鷓讚作鷓鷓重文協韻象蛇鳥鰩父魚

山海經圖讚

三

有鳥善驚名曰鷓鷓象蛇似雉自生子孫鰩父魚首厥體如豚

酸與

景山有鳥稟形殊類厥狀如蛇腳二翼四見則邑恐食之不醉

鷓鷓黃鳥

鷓鷓之鳥食之不聰爰有黃鳥其鳴自叫婦人是服矯情易操

精衛

炎帝之女化為精衛沈所案類聚作形東海靈爽西邁乃銜木石以

堙波海臧庸曰類聚作以填攸害與衛邁皆脂類也若作海則為之類矣必當從類聚

辣辣羆九獸大蛇

辣辣似羊眼在耳後竅生尾上號曰羆九幽都之山大蛇牛响

東山經

鱗鱗魚從從獸皆鼠經作從從謹作從從

魚號鱗鱗如牛虎蛟案蛟字譌御覽作蛟從從之狀似狗六腳蜚鼠如雞

見則旱涸

條蝟

條蝟蛇狀振翼灑光憑波騰逝出入江湘見則歲旱是維火祥

洞洞

蚌則含珠獸胡不可洞洞如豚被褐懷禍患難無由招之自我

堪孖魚輪輪獸

堪孖輪輪殊氣同占見則洪水天下昏墊豈伊妄降亦應牒讖

山海經圖讚

三

珠蟹魚

漣水之鮮形如浮肺體兼三才以貨買害厥用既多何以自衛

狃狃

狃狃之獸見人佯眠與災協氣出則無年此豈能為歸之於天

狸力獸鴛胡鳥

狸力鴛胡或飛或伏是惟土祥出與功築長城之役同集秦域

朱獺

朱獺無奇見則邑駭通感靡誠維數所在因事而作未始無待

獬獬蠶蜺獸絜鉤鳥

獬獬如狐有翼不飛九尾虎爪號曰蠶蜺絜鉤似鳧見則民悲

崱崱

治在得賢亡由夫

陳壽祺曰夫當為失

人崱崱之來乃致狡賓歸之冥應

誰見其津

蟻龜

水圓四十潛源溢沸靈龜爰處掉尾養氣莊生是感揮竿傲貴

娑胡精精獸鯨魚

娑胡之狀似麋魚眼睛精如牛以尾自辨鯨魚所潛厥深無限

獨狙獸魁雀

獨狙狡獸魁雀惡鳥或狼其體或虎其爪安用甲兵擾之以道

芑木

山海經圖讚

西

馬維剛駿塗之芑汁不勞孫陽自然閑習厥術無方理有潛執

芑魚薄魚

有魚十身蘂蕪其臭食之和體氣不下溷薄之躍淵是維災候

合窳

猪身人面號曰合窳厥性貪殘物為

案為當作無

不咀至陰之精見

則水雨

當康獸鯨魚

當康如豚見則歲穰鯨魚鳥翼飛乃流光同出殊應或災或祥

蜚

蜚則災獸跋踵厲深會所經涉竭水槁林稟氣自然體此殃淫

案郭注銘詞卽圖讚也
此讚乃全與銘異可疑

中山經

桃林

桃林之谷實惟塞野武王克商休牛風馬阨越三塗作險西夏

鳴石

金石同類潛響是韞擊之雷駭厥聲遠聞苟以數通氣無不運

旋龜人魚修辟

聲如破木號曰旋龜修辟似龜厥鳴如鳴人魚類歸出于洛伊

帝臺棋

茫茫帝臺維靈之貴爰有石棋五彩煥蔚觴禱百神以和天氣

山海經圖讚

五

若華

案經作
若辛

烏酸草

療瘡之草厥實如瓜烏酸之葉三成黃華可以爲毒不畏蛇

葦草

葦草黃華實如菟絲君子是佩人服媚之帝女所化其理難思

山膏獸黃棘

山膏如豚厥性好罵黃棘是食匪子匪化雖無貞操理同不嫁

三足龜

造物維均靡偏靡頗少不爲短長不爲多賁能三足何異鼃鼃

嘉榮

霆維天精動心駭目曷以禦之嘉榮是服所正者神用口腸腹

天樞牛傷文獸

案文經騰魚
作文文

牛傷鎮氣天樞弭噎文獸如蜂枝尾反舌騰魚青斑處于遠穴

帝休

帝休之樹厥枝交對棟本少室曾陰雲霽君子服之匪怒伊愛

泰室

嵩維岳宗華岱恒衡氣通元漠神洞幽明鬼然中立衆山之英

栢木

爰有嘉樹厥名曰栢薄言采之窈窕是服君子惟歡家無反目

蒿草

蒿草赤莖實如蓂菓食之益智忽不自覺殆齊生知功奇于學

山海經圖讚

六

鷓鴣

鷓鴣之爲鳥同羣相爲嗜類被侵雖死不避毛飾武士兼厲以義

鳴蛇化蛇

鳴化二蛇同類異狀拂翼俱遊騰波漂浪見則竝災或淫或亢

赤銅

昆吾之山名銅所在切玉如泥火炙有彩尸子所歎驗之彼宰

神熏池

泰逢虎尾武羅人面熏池之神厥狀不見爰有美玉河林如櫛

神武羅

有神武羅細腰白齒聲如鳴佩以鑿貫耳司帝密都是宜女子

鴝鳥

鴝鳥似鳧翠羽朱目既麗其形亦奇其肉婦女是食子孫繁育

荀草

荀草赤實厥狀如菅婦人服之練色易顏夏姬是豔厥媚三還

馬腹獸飛魚

馬腹之物人面似虎飛魚如豚赤文無羽食之辟兵不畏雷鼓

神黍逢

神號黍逢好遊山陽濯足九州出入流光天氣是動孔甲迷惶

薊柏

薊柏白華厥子如丹實肥變氣食之忘寒物隨所染墨子所歎

山海經圖讚

七

橘櫛

厥苞橘櫛奇者維甘朱實金鮮葉蒨翠藍靈均是詠以為美談

獲

大驄之山爰有萃

案萃字蓋誤

草青華白實食之無天雖不增齡可

以窮老

鮫魚

魚之別屬厥號曰鮫珠皮毒尾匪鱗匪毛可以錯角兼飾劔刀

鳩鳥

蝮維毒魁鳩鳥是噉拂翼鳴林草瘁木慘羽行隱戮厥罰難犯

椒

椒之灌殖實繁有倫拂穎霑霜朱實芬辛服之洞見可以通神

神蟲圍計蒙涉蠱

涉蠱三腳蠱圍虎爪計蒙龍首獨稟異表升降風雨茫茫渺渺

岷山

岷山之精上絡東井始出一勺終致森案森類聚作森冥作紀南夏天

清地靜

夔牛

西南巨牛出自江岷體若垂雲肉盈于鈞雖有逸力難以揮輪

崷山

邛崷峻嶮其坂九折王陽逡巡王尊逞節殷有三仁漢稱二哲

山海經圖讚

六

狔狼雍和猴獸

狔狼之出兵不外擊雍和作恐猴乃流疫同惡殊災氣各有適

雌

寓屬之才莫過於雌兩則自懸塞鼻以尾厥形雖隨案隨字似誤列

象宗彝

熊兕

熊山有兕神人是出與彼石鼓象殊應一祥雖先見厥事非吉

跂踵

青耕禦疫跂踵降災物之相反各以氣來見則民吝實為病媒

案此讚與郭注銘詞全異可疑

蛟

匪蛇匪龍鱗彩炳煥騰躍波濤蜿蜒江漢漢武飲羽仗飛疊斷

神耕父

清冷之水在乎山頂耕父是遊流光灑景黔首祀禁以弭災眚

九鍾

曉崩涇竭麟鬪日薄九鍾將鳴凌霜乃落氣之相應觸感而作

嬰勺

支離之山有鳥似鵠白身赤眼厥尾如勺維彼有斗不可以酌

獐

有獸虎爪厥號曰獐好自跳撲鼓甲振奮若食其肉不覺風迅

山海經圖讚

充

帝臺漿

帝臺之水飲蠲心病靈府是滌和神養性食可逍遙濯髮浴沐

狙如

狙如微蟲厥體無害見則師興兩陣交會物之所感焉有大小

帝女桑

爰有洪桑生瀆

案瀆類聚作瀆

淪潭厥圍五丈枝相交參園客是採帝

女所蠶

梁渠移卽聞獐獸馱餘鳥

梁渠致兵移卽起災馱餘辟火物各有能聞獐之見大風乃來

神于兒

子兒如人蛇頭有兩常遊江淵見于洞廣乍潛乍出神光忽恍

神二女

神案神當作帝之二女爰宅洞庭遊化五江惚恍竊冥號曰夫人是

維湘靈

飛蛇

騰蛇配龍因霧而躍雖欲登天雲罷陸略仗案仗字疑誤非啟體難

以云託

海外南經

自此山來蟲為蛇蛇號為魚

賤無定貢貴無常珍物不自物自物由人萬事皆然豈伊蛇鱗

山海經圖讚

羽民國

鳥喙長頰羽生則卵矯翼而翔龍飛不遠人維俱屬何狀之反

神人二八

羽民之東有神司夜二八連臂自相羈駕晝隱宵出詭時淪化

謹頭國

謹國鳥喙行則杖羽潛于海濱維食祀秬實維嘉穀所謂濡黍

厭火國

有人獸體厥狀怪譎吐納炎精火隨氣烈推之無奇理有不熟

三珠樹

三珠所生赤水之際翹葉柏疎美壯案壯疑當為狀若棼濯彩丹波自

相霞映

臧庸曰映字無韻蓋誤

載國

不蠶不絲不稼不穡百獸率舞羣鳥拊翼是號載民自然衣食

貫匈交脛支舌國

鑠金洪爐灑成萬品造物無私各任所稟歸於曲成是見兆朕

不死國

有人爰處員工之上

案上讀市郢反

赤泉駐年神木養命稟此遐齡悠悠無竟

悠無竟

鑿齒

鑿齒人類實有傑牙猛越九嬰害過長蛇堯乃命羿斃之壽華

山海經圖讚

三

三首國

雖云一氣呼吸異道觀則俱見食則皆飽物形自周造化非巧

焦僂國

羣籟舛吹氣有萬殊大人三丈焦僂尺餘混之一歸此亦僑如

長臂國

雙肱三尺

初學記作三丈

體如中人彼曷爲者長臂之民修廊自負捕

魚海濱

狄山帝堯葬于陽帝嚳葬于陰

聖德廣被物無不懷爰乃殂落封墓表哀異類猶然矧乃華黎

視肉

聚肉有眼而無腸胃與彼馬勃頗相髣髴奇在不盡食人薄味

南方祝融

祝融火神雲駕龍驂氣御朱明正陽是合作配炎帝列位于南

海外西經

夏后啟

筮御飛龍果儻九代雲融融當作翮是揮玉璜是佩對揚帝德稟天

靈誨

三身國一臂國

品物流形以散混沌增不為多減不為損厥變難原請尋其本

奇肱國

山海經圖讚

三

妙哉工巧奇肱之人因風構思制為飛輪凌顏遂軌帝湯是寶

形天案天本作天

爭神不勝為帝所戮遂厥形天臍口乳目仍揮干戚雖化不服

女祭女戚

彼姝者子誰氏二女曷為水間操魚持俎厥儷安在離羣逸處

鴛鳥鷓鳥

有鳥青黃號曰鷓鴣與妖會合所集會至類則臯鷓厥狀難媚

丈夫國

陰有偏化陽無產理丈夫之國王孟是始感靈所通桑石無子

女丑尸

十日並燬女丑以斃暴于山阿揮袖自翳彼美誰子逢天之厲

巫咸

羣有十巫巫咸所統經技是搜術莠是綜採藥靈山隨時登降
并封

龍過無頭并封連載物狀相乖如驢分背數得自通尋之愈闕

女子國

簡狄有吞姜嫄有履女子之國浴于黃水乃娠乃字生男則死

軒轅國

軒轅之人承天之祐冬不襲衣夏不扇暑猶氣之和家為彭祖

乘黃

山海經圖讚

三

飛黃奇駿乘之難老揣角輕騰忽若龍矯實鑒有德乃集厥阜

滅蒙鳥大運山雄常樹

青質赤尾號曰滅蒙大運之山百仞三重雄常之樹應德而通

龍魚

龍魚一角似狸處陵侯時而出神聖攸乘飛鶩九域乘龍案龍類衆

作雲上昇

西方蓐收

蓐收金神白毛虎爪珥蛇執鉞專司無道立號西阿恭行天討

海外北經

無脊國

萬物相傳非子則根無脊因心構肉生魂所以能然尊形者存

燭龍

天缺西北龍衝案衝類聚作衝火精氣為寒暑眼作昏明身長千里可

謂至神案神類聚作靈

一目國

蒼四不多此一不少子野冥瞽洞見無表形遊逆旅所貴維眇

柔利國

柔利之人曲脚反肘子求之容方此無醜所貴者神形於何有

共工臣相柳

共工之臣號曰相柳稟此奇表蛇身九首恃力桀暴終禽夏后

山海經圖讚

齒

深目國

深目類胡但口絕縮軒轅道降款塞歸服穿胸長脚同會異族

聶耳國

聶耳之國海渚是縣雕虎斯使奇物畢見形有相須手不離面

夸父

神哉夸父難以理尋傾河逐日遞形鄧林觸類而化應無常心

尋木

渺渺尋木生于河邊竦枝千里上干雲天垂陰四極下蓋虞淵

跂踵國

厥形雖大斯脚則企跳步雀踴踵不闔地應德而臻款塞歸義

歐絲野

女子鮫人體近蠶蚌出珠非甲吐絲匪蛹化出無方物豈有種

無腸國

無腸之人厥體維洞心實靈府餘則外用得一自全理無不共

平止

兩山之間止號曰平爰有遺玉駿馬維青視肉甘華奇果所生

駒駮

駒駮野駿產自北域交頸相摩分背翹陸雖有孫陽終不能服

北方禺彊

禺彊水神面色鰲黑乘龍踐蛇凌雲附翼靈一兮冥立于北極

山海經圖讚

壹

海外東經

君子國

東方氣仁國有君子薰華是食雕虎是使雅好禮讓禮委論理

案末句有誤

天吳

眈眈水伯號曰谷神八頭十尾人面虎身龍據兩川威無不震

九尾狐

青丘奇獸九尾之狐有道翔見出則銜書作瑞周文以標靈符

豎亥

禹命豎亥青丘之北東盡大遠西窮邠國步履宇宙以明靈德

十日

十日竝出草木焦枯羿乃控弮仰落陽鳥可謂洞感天人懸符

毛民國

牢悲海鳥西子駭麋或貴穴俛或尊裳衣物我相傾孰了是非

黑齒國兩師妾子股國勞民國

陽谷之山國號黑齒兩師之妾以蛇挂耳子股食驅勞民黑趾

東方句芒

有神人面身鳥素服銜帝之命錫齡秦穆皇天無親行善有福

海內南經

臯陽

山海經圖說

美

髯髯怪獸被髮操竹獲人則笑屑蔽其目終亦號咷反為我戮

狴狴

狴狴之狀形乍如犬厥性讖往為物警辯以酒招災自貽纓習

夏后啟臣孟涂

孟涂司巴聽訟是非厥理有曲血乃見衣所請靈斷嗚呼神微

建木

爰有建木黃實紫柯皮如蛇纓葉有素羅絕蔭弱水義人則過

氐人

炎帝之苗實生氐人死則復蘇厥身為鱗雲南宋南疑當為雨是託浮

遊天津

巴蛇

象實巨獸有蛇吞之越出其骨三年為期厥大何如屈生是疑

海內西經

貳負臣危

漢擊磐石其中則危劉生是識羣臣莫知可謂博物山海乃奇

流黃豐氏國

城圍三百連河

案河疑當作阿

比棟動是塵昏蒸氣霧重焉得遊之以

教以縱

大澤方百里

地號積羽厥方百里羣鳥雲集鼓翅雷起穆王旋軫爰榮駮耳

山海經圖讚

毛

流沙

天限內外分以流沙經帶西極頽唐委蛇注于黑水永瀾餘波

木禾

昆侖之陽鴻鷺之阿爰有嘉穀號曰木禾匪植匪莪自然靈播

開明

案明下疑脫獸字

開明天獸稟茲金精虎身人面表此桀形瞪視崑山威懾百靈

文玉玕琪樹

文玉玕琪方以類叢翠葉猗萎丹柯玲瓏玉光爭煥彩豔火龍

不死樹

萬物暫見人生如寄不死之樹壽蔽天地請藥西姥烏得如翠

甘水聖木

醴泉瑤木

案瑤當作睿

養齡盡性增氣之和祛神之冥何必生知然

後為聖

竅窳

竅窳無罪見害貳負帝命羣巫操藥夾守遂淪溺淵變為龍首

服常琅玕樹

服常琅玕崑山奇樹丹實珠離綠葉碧布三頭是伺遞望遞顧

海內北經

吉良

金精朱鬣龍行駿跼拾節鴻鶩塵下及起是謂吉黃釋聖牖里

山海經圖讚

天

蛇巫山鬼神蚺犬羣帝臺大蜂朱蛾

蛇巫之山有人操杯鬼神蚺犬主為妖災大蜂朱蛾羣帝之臺

闕非據比尸祿戎

人面獸身是謂闕非被髮折頸據比之尸戎三其角祿豎其脣

騶虞

怪獸五彩尾參於身觸足千里儻忽若神是謂騶虞詩歎其仁

冰夷

稟華之精練食八石乘龍隱淪往來海若是謂水仙號曰河伯

王子夜尸

子夜之尸體分成七離不為疏合不為密苟以神御形歸於一

宵明燭光

水有佳人宵明燭光流耀河滄稟此奇祥維舜二女別處一方

列姑射山大蟹陵魚

姑射之山實西案西有神人大蟹千里亦有陵鱗曠哉溟海含怪

藏珍

蓬萊山

蓬萊之山玉碧構林金臺雲館竊哉獸禽實維靈府玉主甘心

海內東經

郁州

南極之山越處東海不行而至不動而改維神所運物無常在

山海經圖讚

无

韓鴈始鳩雷澤神琅琊臺

韓鴈始鳩在海之州雷澤之神鼓腹優遊琅琊噉曉邈若雲樓

豎沙居繇埽端璽喚國

豎沙居繇埽端璽喚沙漠之鄉絕地之館或羈于秦或賓于漢

大江北江南江浙江廬淮湘漢濛溫潁汝涇渭白沅贛

泗鬱肆潢洛汾沁濟滌虢池漳水

川瀆交錯渙瀾流帶通潛潤下經營華外殊出同歸混之東會

大荒東經

案荒經已下圖讚明藏本闕此從諸書增補尚多闕畧云

埽人國

初學記

焦僿極麼埽人又小四體取足矧目纒了

九尾狐

青工奇獸九尾之狐有道翔案類聚作祥見出則街書作瑞周文以

標靈符

大荒南經 闕

大荒西經

弱水 蘇文類聚

弱出昆山鴻毛是沈北淪流沙南映火林惟水之奇莫測其深

炎火山 蘇文類聚

木含陽氣精構則然焚之無盡是生火山理見乎微其傳在傳

謚行按其傳當作其妙之謔

山海經圖讚

三

大荒北經

若木 蘇文類聚

若木之生昆山是濱朱華電照碧葉玉津食之靈智為力為仁

封豕 蘇文類聚

有物貪婪號曰封豕薦食無饜肆其殘毀羿乃飲羽獻帝效技

海內經 闕

補滅氏 校正 玉贛表夏 庸按廣韻四十八感曰贛方言云箱類古譚切此贛當為贛玉贛猶言金匱耳說文贛小

枯也義別

旋軫斯地 按顧寧人段若膺皆以地讀如沈古音在歌類余謂地字古音與今同本在支類此讚以地韻解皆支類

也隸从隶聲在脂類支脂相通與歌類則遠亦其一證也

厥號曰蠻

按目稱蠻蠻經曰其中多蠻蠻此讚又云厥號曰蠻者皆本一字而重言之古人每有此種文法猶下目

經單稱鸚也

亦有數動

按御覽九百三十九有作不又白虹作江浦邑棟作民棟皆較今本為勝

涸和損平

按御覽九百三十七引作涸和此作涸誤又下文帶山則儻亦當從御覽作山經則儻山經對上文詩字

善更

鼓翮一揮十翼翮翮

按御覽三百三十九一揮作一運當從之又翮翻作翮翻古字通

頭文如繡

按上文尾與雉韻脂類也繡字肅聲在幽類出韻必誤

瑋瑋取芥

按藝文類聚六作瑋瑋取芥未聞其審

疇類被侵

按類聚九十引作疇類此誤

員工之上

按上疑當為正二字形相近與前畢方讚互誤也

山海經圖讚



